

Le dotur Eduard Agreiter é demez dai 17 ai 28 de messé y vëgn sostituí dala doturia Grete Mahlknecht (0474 523 018 – 349 06 67 034).

Le dotur Aldo Marcocci é demez dai 17 ai 21 de messé y vëgn sostituí dal dotur Luca Galiazzi t'l ambulator d'Al Plan (0474 501 477 o 342 51 81 295)

Aldiënza dla defensuria zivica en vëndres, ai 14 de messé, dales 14.30 – 16.00, a San Martin te ciasa de comun. Informaziuns 0471 301 155.

PLOANIES DA SAN MARTIN Y LUNGIARÜ

La Uniun dles Ères Catoliches dl decanat Val Badia inviëia düc i geniturs che á n pice môt da batié, pers che aspeta, toc y totes dl decanat a s'arjigné ca al bato, te na incuntada che vëgn tignida en sabeda ai 15 de messé dales 15.00 ales 17.00, t'l salf dles uniuns a Calfosch. Prenotaziuns 0471 849 372.

SAN MARTIN

En dedemesaledema, ai 12 de messé, vëgnel indô sié la cortina dales 17.00 inant; t'l caje de bur t'emp vëgnel sié le de do, jöbia. Chi che á dlaurela vëgn dër bel peria da gní a daidé.

Festa di mituns: la Schira Jonila Val Badia y le Sorvisc ai Jogn mët a jí en dedolönesc, ai 11 de messé, a San Martin, te Chi Pinis, la „Festa di mituns“. Dales 10.00 mësa y dedô, cina les 16.30, jüc y de vigni sort de „ciantuns creatifs“ por pici y gragn. Al vëgn ince dé fora da mangé y da bere. Por l'entrada él da paí 13 € por môt/möta (partecipaziun a düc i jüc + marëna). Düc é dër bel invia da tó pert. En caje de bur t'emp vëgn la festa desdita.

Assoziaziun Turistica:

En lönesc ai 10 de messé dales 21.00: Diashow de Marlis Clara t'l salf dles manifestaziuns a Antermëia.

En dedolönesc ai 11 de messé dales 21.00: Sëra folcloristica cun le grup Hegidex Gitschn t'l magazinn di stödafüch a Lungiarü.

En vëndres ai 14 de messé dales 21.00: Concert de tlavier y clarinet cun Michéle Schladebach y Beka Sirbiladze t'l Istitut Ladin a San Martin.



Ciodí pa jí dalunc?

Te ne mësses nia joré sura i mers, passé fora por i nii o jí sura les munts.

Le tru che te vëgn mostré n'é nia lunch.

Por ti jí adincuntra a Chël Bel Dî aste ma bria da jí cina da te instës.

Deache süa parora t'è daimpró:

Ara é te túa bocia y te to cör. (Bernhard da Clairvaux)



www.unitepastorala.org

Plata dles Ploanies San Martin y Lungiarü



siur Iaco Ploner 3334832765/0474453003 - ploner.jakob@aruba.it
redaziun: anton.gasser@rolmail.net - 348 27 44 517 / 0474 523 194

09.07.17 – 16.07.17 nr. 33

termo da publiché: jöbia 20.00
radio: 90,40 / 93,70

14^a DOMÈNIA IA POR L'ANN A

Vangele: Matí 11,25-30

I t'aprijëii, Pere, Signur dl cil y dla tera,
cíodiche döt cant chësc ti aste ascognü ai sapiënc y ai scicà
y ti l'as revelé ai pici.

Scê Pere, insciö t'ära plajü.

Döt m'è gnü surandè da mi Pere;
degügn ne conësc le Fi, mâ le Pere,
y degügn ne conësc le Pere, mâ le Fi
y chël, a chël che le Fi ti l'ô revelé.

Gnide düc da mè,
os ch'i se cruziëis y ch'i ëis tröp da portè.

Iö ves darà palsa.

Tolede mi ju sön os y imparede da mè;
deache iö sun bun y umil de cör;
insciö ciarëise tria por osta anima.

Deache mi ju ne drüca nia y mi pëis é lisier.

„Gnide!“, nes inviëia Gejú,

da jí da d'ël cun döt ci che nes pësa söles sciabes y t'l cör.

Jí da Chël Bel Dî é n movimënt fundamental y permanënt tla fede.

I sbrochi fora dl cërtil dles preocupaziuns ma por me instës
y vá da Chël Bel Dî.

I me surandá a d'ël cun döt ci che me fej ria la vita,
ince sc'i ne sá nia ciámó ci che él ó fá impara y ci che se mudará sön mi tru.

Mo Gejú dij tler ci ch'al me scincará:

Tria por la anima y pesc.

Sc'i sbrochi fora de mi cërtil strënt, me oj pomez a Chël Bel Dî
y me lasci ite sön so invit „Ví“, él dessigü val' che se müda.

Insciö ó Gejú nes condüje a nes sté bëgn pro Chël Bel Dî
olach'i ciacun ince la forza da jí inant te nosta vita.



	SAN MARTIN	LUNGIARÜ	 <i>I sun profugs, muciadies, che s'un sciampa dala meseria d'anima, da ci che vëgn ghiré da nos de massa, dala presciun zënza tria.</i> <i>I sun sön tru da s'un sciampé dala concorënza dles poscibilités y dal tormënt dl messëi chirí fora. Dai aparac sura, sot y incër nos ia y dal travai dles ones y radiazions che nes tol vigni liberté y che nes lascia apëna plü trá le fle, s'un sciampunse cun döt nosc poch.</i> <i>Deache, sciöch'i un aldí incö tl vangele, él inzai n lüch impormetü olache le patrun é bun de cör. Dailó ciafunse acolienza y tria, insciö nes vëgnel impormetü. Dailó sunse bëgnnüs. Sunse pa bugn da crëie a chësc?</i> ----- <i>N te momënt olach'i podun ciafé tria y pesc é do la comuniun, sc'i se tolun dlaurela:</i> <i>Anima de Crist, santifichëieme. Corp de Crist, sálveme. Sanch de Crist, abëreme. Ega dl costá de Crist, láveme. Pasciun de Crist, renfórzeme. Oh bun Gejú, ejaudësceme. Te tües plaies ascógneme. Pomez a te tëgneme. Dal ri nemí defënome. Tl'ora de mia mort chërdeme, da gní da te inviëieme a te laldé cun tü sanc te to règn por dagnora.</i> 
09.07.17 14^a DOMÈNIA - ANN A	9.00 Corona 9.30 Gran Mëssa por la Comunité cun benedisciun dl tëmp + Maria Sorá Costalunga (dla Uniun)	7.55 Corona 8.15 Gran Mëssa por la Comunité cun benedisciun dl tëmp 15.00 Corona tla capela da Seres	
10.07.17 Lönesc <i>Erich, Olaf, Engelbert</i>	19.30 Mëssa a Picolin (<i>don Francesco</i>) + + Tolpeit, Ju	7.30 Mëssa (<i>pater Fidelis</i>) en onur de S. Ujöp Freinademetz	
11.07.17 Dedolönesc <i>Benedët da Nursia, Olga</i>	19.30 Mëssa (<i>don Francesco</i>) + Giovanni Flöss + Maria Pedevilla	7.30 Mëssa (<i>pater Fidelis</i>) + Florino Mischi	
12.07.17 Dedemesaledema <i>Hermagora y Fortunat</i>	19.30 Mëssa (<i>don Francesco</i>) + Nando Flöss	7.30 Mëssa (<i>pater Fidelis</i>) + + Maria y Paul Castlunger	
13.07.17 Jöbia <i>Heinrich, Cunigunda, Joel</i>	7.30 Mëssa (<i>don Francesco</i>) + + Milio y Ottilia Castlunger Corona por vocaziuns	7.30 Mëssa (<i>pater Fidelis</i>) + Anna Chiusura	
14.07.17 Vëndres <i>Camil da Lellis, Roland</i>	19.00 Adoraziun chîta a Picolin 19.30 Mëssa a Picolin (<i>don Carlo</i>)	7.30 Mëssa (<i>pater Fidelis</i>) + Severino Clara	
15.07.17 Sabeda <i>Bonaventura, Bernhard</i>	15.30 Mëssa tla Ciasa de Palsa 18.30 Mëssa prefestia (<i>pater Fidelis</i>) dl ann + Alfred Videsott + Giovanni Flöss	20.00 Mëssa prefestia (<i>pater Fidelis</i>) dl ann + Emma Clara de Col dl ann + Carlo Dejaco	
16.07.17 15^a DOMÈNIA - ANN A <i>S. Maria dl Carmel</i>	9.00 Corona 9.30 Gran Mëssa por la Comunité cun benedisciun dl tëmp (<i>pater Fidelis</i>) 11.00 Bato de Asya Busatto (<i>don Riccardo Petroni</i>)	7.55 Corona 8.15 Gran Mëssa por la Comunité cun benedisciun dl tëmp (<i>pater Fidelis</i>) 15.00 Corona tla capela da Seres	